



UNIVERSITÄTS-  
BIBLIOTHEK  
PADERBORN

# **Canones Congregationvm Generalivm Societatis Iesv**

**Jesuiten**

**Romae, M. D. XC.**

Formula Congregationis Procuratorem.

---

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)



# FORMVLA CONGREGA- tionis Procuratorum,

*QVI AD GENERALEM TERTIO  
quoque anno veniunt, in quarta Congre-  
gatione generali confecta, &  
approbata.*

Decret.  
50. Cō-  
gre. 4.



P. 8. c. 2  
lit. B.  
Can. 29  
Cōg. 2.  
& in  
For. Cō  
gr. Pro-  
uin. §. 1  
& 23.

**T**ERTIO quoque anno a decima quinta die Nouēbris post finem vltimæ Cōgregationis generalis cōputando, ex omnibus Prouincijs, iuxta Constitutiones, & Decreta, ad Generalem conueniāt Procuratores, qui Professi quatuor votorum sint, & viri maxime idonei a Congregatione Prouinciali electi. Tēpus enim huius Congregationis Procuratorum celebrādæ, propter nauigandi, & proficiscendi maiorem commoditatem, dies ipse quintus decimus Nouēbris decretus est, nisi aliud Generali videatur.

2 Antequam hæc Congregatio inchoetur, Pater Generalis, cū suis Assistentibus examinet acta Congregationum Prouincialium, an in eis Procuratores legitime electi sint; & si quid dubij in aliquibus particularibus inuentum fuerit, id postea ad Congregationem referat, non admisis ijs, de quibus legitime dubitatur, donec ipsa Congregatio de ipsis constituerit.

3 Elapso die ad conueniendū præfixo, inchoari poterit Cōgregatio, si iā duæ tertię partes Procuratorum

curatorum



curatorum a suis Prouincijs aduenerint: nisi Pater Generalis, cum Congregatione alios, qui fortassis in proximo essent, & cito affuturi sperarentur, expectandos iudicaret.

4 In sedendo, & dicendo, hic ordo seruabitur; ut ad dexteram Patris Generalis sedeant Assistentes, ordine antiquitatis in sua Professione seruato, ad sinistram vero eodem ordine Procuratores: Deinde, hymno Veni Creator, alternatim submissa voce ab omnibus dicto, cum oratione de Spiritu Sancto, & Beata Virgine; breuis exhortatio fiet a Patre Generali, de fine talis Congregationis, & ut omnes in ijs, quæ agenda sunt, sincere se gerant, & de alijs, quæ ei in Domino videbuntur: Tertio decernatur ad plura suffragia, an ij, qui adsunt, Congregationem Procuratorum legitimam, & plenam faciant; & an omnes defectus, si qui forte quacumque ratione acciderint, debeant suppleri.

5 Hoc facto eligatur Secretarius per scrutiniũ secretum, ad plura suffragia, qui omnia, quæ fuerint acta in Congregatione, mandet scriptis, & subscribat signetque Societatis sigillo.

6 Assignetur dies quartus a die, qua fuerit aperta Congregatio inclusive, in quo faciendum sit decretũ de cogenda, vel non cogenda Cõgregatione generali, accepta prius informatione ab ijs tantum, qui ius suffragij habent (quorum singulorũ rationes, quas de cogenda, vel non cogenda Cõgregatione generali, in scriptis secum a suis Prouincijs attulerunt, singuli videre teneantur) & Secretario

In For.  
Congr.  
Prouin.  
s. 31. &  
ultima



Præpositi Generalis: & præsertim an aliquid sit, in quo alicubi infigne detrimētum passa sit Societas vel passura timeatur, quod singulari prouidentia, atque industria, vel resarciendum, vel curandum sit: Item quomodo seruentur Constitutiones, & Decreta Congregationum, & Regulæ, an disciplina religiosa relaxetur, an in spiritu, & virtutibus proficiat Societas, an potius deficiat, quomodo vnio animorum se habeat in Societate, & an graue aliquod periculum illius labefactandæ metuatur: & de alijs huiusmodi rebus. Si quis autem aliquid intellexerit in informatione, quod secretum teneri debeat cū alijs, præter quam cum ijs, qui suffragium habent; memor Caritatis, silentiū teneat in virtute Sanctæ Obedientiæ, in re tantum graui non in qualibet.

7 Cum autem venerit dies ad decernendū præfixus, omnes simul in nomine Domini Congregati, præmissa per quadrantē horæ oratione, per scrutinium secretū ad plura medietate suffragia, non obstante Decreto vigesimo quarto Congregationis secundæ, definiant, an cogēda sit, & quando Congregatio generalis. Præpositus porro Generalis in hac Procuratorum Congregatione duo suffragia habebit. Absoluta vero Congregatione, omnes alternatim submissa voce dicant, Te Deū laudamus, & in fine, eorum aliquis vnā, aut plures orationes in gratiarum actionem recitabit.

De ijs,



*De ijs, quæ Procuratores postquam electi fuerint, agere debeant.*

8 **P**ostquam electi fuerint Procuratores, non propterea debent excurrere per Collegia; & Domos suæ Prouinciæ, nisi sint in via, qua itur ad Generalē; nec negotia externorum suscipiant, vt ea alibi tractent, quantum fieri possit, arbitrio Prouincialis.

In For.  
Congr  
Prou.  
§. 34.

9 Postquam ad Generalem venerint Procuratores, acta suarum Cōgregationum Prouincialium, catalogos personarum, & memorialia negotiorū, de quibus cum Præposito Generali acturi sunt, & fasciculos litterarum quamprimum Societatis Secretario, scripto numero, tradant: vt citius hæc videri, & postea suo tempore expediri possint.

10 Ante, vel post celebratam Congregationē, pro arbitrio Patris Generalis agent de informatione eidem danda, iuxta Constitutiones, de ijs rebus, quas ex suis Prouincijs attulerunt.

P. 8. c.  
1. lit. B.

11 Procuratores nō sint magis propensi ad vnū Collegium, quam ad aliud, nec ad vnā personā potius, quā ad aliam, quantum fieri potest, & ideo, si ne vllō respectu dicant apud Generalem, quæ pro bono suarū Prouinciarū sēserint dicēda: caueātq; præsertim, neq; passione, aut affectione inordinata in aliquo accusando, vel defendendo, aut laudando ducantur, etiamsi de suis Superioribus agatur.

12 Procuratores ne prodant negotiorum resolutiones, nec ordinationes a Generali factas, de personis, officijs, & alijs reb<sup>9</sup> alicuius momenti, sed eas ad



eas ad suos Prouinciales deferant ; & ipsi iuxta præscriptū Obedientiæ, eas suo tempore exequentur aut promulgabunt.

13 Postquam Procuratores redierint ad Prouincias, nulli omnino referant ea, de quibus apud Generalem pro informatione aliquarum personarum, ac rerum interrogati forsitan fuerint, ob magna incommoda, quæ cum magno caritatis dispēdio euenire possent. Hæc, & similia, quæ intellexerint apud Generalem præsertim si grauia fuerint, secreto seruanda esse iubentur,

14 Si inter ordinationes, & responsa alijs Prouincijs data, ( quæ videre debebunt ) aliqua fuerint, quæ ad vsum suarum Prouinciarum secum ferenda existimabunt, id facere poterunt, iudicio Patris Generalis, vel eorum, quibus ipse commiserit, & cum ea limitatione, quæ eisdem videbitur; ea tamen a Patre Generali subscribentur. Hæc autem ita in ea Prouincia vim habebunt, si Prouincialis auditis suis consultoribus, suæ Prouinciæ iudicauerit expedire.

15 Si ad Seminaria nostrorum Scholasticorū, vel Nouitiorum in aliqua Prouincia perficienda, vel ad trāsmarinarum, vel Septentrionalium, vel aliarum Prouinciarum necessitates graues, operarijs pluribus opus esset; curent qui earum Prouinciarum Procuratores fuerint, Patri Generali suggerere; vt dispiciat, an alicuius Prouinciæ abūdantia, alterius inopiam supplere possit; & id Congregatis Procuratoribus omnibus facilius inter eos priuatim, & cum Patre Generali tractari poterit.

FOR-